

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 19.07.2018թ. թիվ 1808323985 որոշումն անփոփոխ, իսկ վարչական բողոքն առանց բավարարման թողնելու մասին

<<31>> 08 2018թ. 17-13-95129-18/17-13-10046

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Քրիստ Գասպարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Գերցենի փողոցի 20 տան բնակիչ Քրիստ Գասպարյանը Ճանապարհային ոստիկանությանը հասցեագրած դիմումով խնդրել է բեկանել Ճանապարհային ոստիկանության վարչական տույժ նշանակելու մասին 19.07.2018թ. թիվ 1808323985 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Դիմումի քննարկման արդյունքում պարզվել է, որ դիմումատուի փաստարկն անհիմն է և վարչական ակտը վերանայելու հիմք չի կարող հանդիսանալ հետևյալ պատճառաբանությամբ.

Ճանապարհային ոստիկանության վարչական տույժ նշանակելու մասին 19.07.2018թ. թիվ 1808323985 որոշման հիմքում դրված տեսանյութից հստակ երևում է, որ 26.06.2018թ. ժամը՝ 16:38-ին Երևան քաղաքի Գայի - Նանսեն - Թոթովենց փողոցների խաչմերուկի հատվածում տրանսպորտային միջոցները կանգնած են լուսացույցի արգելիչ ազդանշանի ներքո, իսկ դիմումատուի վարած տրանսպորտային միջոցը չի ենթարկվում այդ ազդանշանին՝ առաջ անցնելով նրանցից:

Այսպիսով դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 2-րդ մասի հատկանիշները, ինչի համար սահմանված է տուգանք՝ 50.000 ՀՀ դրամի չափով, ուստի նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 19.07.2018թ. թիվ 1808323985 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Քրիստ Գասպարյանին:



Ե.Կարապետյան